

LE MESSENGER MICMAC

Petit Journal Mensuel publié par le R. P. Pacifique, Missionnaire, à Sainte-Anne de Restigouche, P. Q. Parait le 1er du mois. Abonnement, 50 sous.



THE MICMAC MESSENGER

A Monthly Newspaper for the Indians. Yearly Subscription 50 cts. Address all communications to the Micmac Messenger, Restigouche, P. Q.

Gogomitjino Moioalanetj.

PATLIASEOEI GETOSOAGAN

Igag nigetj gpestieoalaneno gogomitjino Sent Ann ; me msegigtetj tan teli moioalogo oli nipga, meta mesgig apigsigtoagan pegisitolgos gtegeg tepenoasetag.

Maoi msegigsep ag maoi gelolgep gtjpestieoimng sist gasgemtelnagani-pongegeoei. Tanig sagmag petjitatjig San Patis Teni eta onamagig, nespio Pagsima oegôgmag ag Plansoe Pernal geptinag ; Matieo Plansoe pigtog, Toma Plansoe ag San Toma ; Sôsep Gol oegôpegitg, ag Sôsep Tjolian ; Plansoe Toni gentpilg, nespio Anli, Tjan ag Egian Nagot ag Salnôt ; Loi Piels elsetgog, Tjolian Pal amlamgog, Loi Selôm ôgpgiantjiti ag Piel Palao Inoi menigrg ; Piel Tanas natoagneg, nespio San Ginis ag Lemi Anao ; sgato melsignatig geptin Toma Lipai ag Sôsep, Pat Toni segepenegatig, ag elp gtegeg Isag Pal, Piel Maigel ag otepi-temel teoôpsgig, Pilip Pal oemet, Piel Pernal oagmetgog, Plansoe ag Antletjiti oegôgmag, Sôsep Pernal epegoitg, ag gtegeg pigoelgig. Sgato gionagatj nenoitelmotjig, San Samoli ag Sôsep Gôp tanig teli oli pestonemititj gigtjio gлотjieoeigtog. Aptj gteg oigatigenigtog migoitetemaganei tetli oigasiteo ; ola solnaltjiti oesami aptjetjig ogisi igatasitten mest gôgoei.

AGNOTEMAGAMTJITJEL

Esgitpog goeltamoltimgeg gtjpatlias alames eltôgôs ag tlisip sagmao onameoatj gelolaseniga tegôttemotilitga, lôg oelsetosena. Tjel aoio patgoi alamesigagan taposipenig gtjpatliasg, lemotjigigeoatj ag menagoesgeoatj, tôgo neogtetjig gtjpatliastjiti galaget tlei ; 24 patliasg ag 2 patliastjiti. Mset pagalastoatisenel sagmal ; amsgoes eln pa telgig nemitasigsep listogotjga.

Gisi miaolagoeg elp pagalastemegsep tan gtegeg noteoistôg teli olapogoe- tji ; tôgo tlisip gtjpatliasg tapositjig neogti onagatitjig, nepsatotitj opite noal ag maoi ignemoetjig gtjpatliaseoei apigsigtoagan.

Oelagoeg aptj nat gôgoei pilei nemitasig, maoi gelolg negoaloetjig. Ag oapg mesgig alames elitasig otjiti tan tesitjig nepgig migmagig oetjategemg pôgtji alasotmatisenig. Agentieoimng gionagatj ignemotjig oenotjig ag aglasieog ono'emotineo elp negemôo tan teli pestieoimngel. Gato esgitpog minoi sigentasoltipenig 29 mitjoatjiti ; ag oelagoeg milamogol gôgoel nemitasigel ag notasigel sgoligtog ; tapositjig gionagatj epitesg oeli giltjatitjig aglasieoigtog, Alis ag Alma. Oelagoeg aptj nogoaloetjigel neitagel. Teli oli gespiagsep ola tan ma gisi noantasoa-tememeg pestieoimng. Ag nigetj nin moioalgig tesitjig lnog pegisingig gisi apôgônemoatitjig. Pigoelgig oisonoal oetjital ola solnaltjiti gigtog.